

նեին. եւ զմշտակատար զսորա կենդանի յիշատակն ի վերայ կատարեալ, դառնային:

ԳԼՈՒԽ ԺԲ.

1 Յաղագս թագաւորելոյ Տիրանայ յետ հաւր իւրոյ ի վերայ Յայոց աշխարհին, եւ թէ ո՞րպէս Յուսիկ յետ իւրոյ հաւրն Վրթանայ կալաւ զաթոռ հայրապետաց. եւ կամ ո՞րպէս սպանաւ ի Տիրանայ արքայէ վասն յանդիմանելոյ զթագաւորն:

2 Եւ յանցանելն յաշխարհէ թագաւորին Խոսրովու, Տիրան որդի Խոսրովու ա՛ն զթագաւորութիւնն զիշխանութիւն աշխարհացն Յայոց մեծաց: 3 Եւ ընդ նմին սուրբն երանելի մանուկն Յուսիկ յաջորդեաց զտեղի հայրապետացն Յայոց: 4 Բայց զումարեաց ընդ նմա թագաւորն Տիրան զմեծամեծ նախարարսն ըստ սովորութեան արինակին, զմեծ հազարապետն ի հազարապետութեանն իսկ, ի տոհմէ ամենայն Յայոց մեծաց, զՎաղարշ, որ եր իշխան Անձտայ. եւ ընդ նմա զՉարեհ իշխանն, նահապետն մեծի Ծոփաց, եւ զՎարազ Շահունի իշխանն Ծոփաց աշխարհին, եւ զԳևիթ իշխան Յաշտեւնից գաւառին ի Կամինական տոհմէն. զՎորոթ իշխանն Վանանդայ գաւառին, եւ զՇահէն իշխանն Անձեւացեաց տոհմին, եւ զԱտով¹ իշխանն Գողթան, եւ զՄանաւազ իշխանն Կողբացոց. զԳորութ² իշխանն Ձորոց աշխարհին, եւ զՄանասպ զխորխոռունեաց զիշխանն Մաղխագունեան տանն: 5 Եւ զմերոյ տոհմի ազգի իշխանն Սահառունեաց, եւ զԱբա իշխանն Գնունեաց:

6 Չնոսա զամենեսեան հրամայեաց երթալ ընդ մեծի հազարապետին Վաղարշու, զի նստուցեն զերանելին Յուսիկ յարթունական կառնն, եւ խաղասցեն զնասցեն ի սահմանակիցս իւրեանց ի մայր քաղաքացն Գամրաց ի Կեսարիա, հասուցանել զմանուկն Յուսիկ յառաքելական աթոռն հայրապետացն: 7 Գնացին եկին հասին ի քաղաքն կեսարացոց. ետուն ի կաթողիկոսութիւն զՅուսիկն ձեռնադրել, զորդին Վրթանայ: 8 Եւ նստուցին զնա յաթոռն առաքելոյն Թադէոսի, եւ յաթոռ իւրոյ հաւուն մեծին Գրիգորի. եւ դարձան անդրէն մեծաւ ինդութեամբ, եկեալք առողջութեամբ, յաջողեալք³ հասանէին յԱյրայրատեան աշխարհն: 9 Եւ զիշխանսն երկոսին, եւ նոցուն Ծոփացն, յառաջ արձակէին անետաւորս առ արքայն:

10 Ապա իբրեւ լուաւ ինքն արքայն, ընդ առաջ ելաներ նմա ի դաշտն յայն կոյս գետոյն Տափերն կամրջի, ամենայն բանակաւքն բազմութեամբք: 11 Ապա ողջոյն տուեալք զցանկալի ողջոյնն միմեանց, անցեալ ընդ կամուրջն Տափերայ, մտեալ ի քաղաքն մեծ յԱրտաշատ, յեկեղեցին դառնային եւ

1 Յօր. Ատամ

2 Յօրին. միում զԳուլթ

3 Յօր. միում աջողութեամբ յաջողեալք